

Kontuola

ANTZUOLA / Egubakoitza / 2002ko maiatzaren 10a / 112. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Zapatuan palako finala jokatuko duten lau bikoteetatik, hiru iazko finalean izan ziren

AINZANE IRIZAR

Lehen mailan, Mansok eta Iturbek Azkarateren eta Jauregiren aurka jokatu dute. Bigarren mailako finala, berriz, Biteri aita-semeek Azkarateren eta Rodríguezen aurka jokatu dute. Bihar, zapatua, jokatu dituzte finalok, 08:30etik aurrera.

Bihar, zapatua, bukatuko da Olalde elkarteak urtero antolatzen duen Herri Mailako Paleta Txapelketa. Otsail bukaeran egin zuten txapelketa horretan parte hartzeko deialdia, eta hamabi bikote eman zuten izena, guztira; maila bakoitzean sei bikote ibili dira norgehiagoka.

Martxoaren 23an eman zitzaion hasiera Paleta Txapelketari. Ordutik hona, zapatuero jokatu dituzte partiduak. Azkenak, joan den zapatuan, maiatzaren 4an. Goizean finalerdietako lau partiduak jokatu zituzten, maila bakoitzeko bi partidu, hain zuzen ere.

Lehenengo mailan, Arbuluk eta Zabalok 27-30 galdu zuten Mansoren eta Iturberen aurka; eta lehenengo mailako beste partiduan, berriz, Azkarate eta Jauregi 30-17 nagusitu zitzaizen Toledori eta Peñalbari.

Txapelketako bigarren mailan, bestalde, Biteri aita-semeek 30-17 irabazi zieten Peñalbari eta Seguroleari; eta Azkaratek eta Rodríguezek, berriz, 30-14 irabazi zieten Arregiri eta Gezalagari.


Gauzak horrela, erabakita geratu zen zein bikoteek jokatuko dituzten bihar, zapatua, Paleta Txapelketako bi mailako finalak: lehen mailako finalean Iker Mansok eta Ruben Iturbek Oskar Azkarate eta Tomas Jauregi izango dituzte aurrez aurre; eta txapelketako bigarren mailako finalari dagokionez, bestalde, Aitor Azkaratek eta Andoni Rodríguezek Antton eta Jon Gurutz Biteri aita-semeen aurka neurtu beharko dituzte indarrak.

IAZKO FINALEKO HIRU BIKOTE

Txapelketako finalera heldu diren lau bikoteetatik hiru iaz ere finalean ikusi ahal izan genituen. Iker Mansok eta Ruben Iturbek izan ezik, gainerako hiru bikoteek iaz ere jokatu zuten finala. Lehen mailan, Oskar Azkaratek eta Tomas Jauregik eraman zuten txapela; eta bigarren mailan, berriz, Antton eta Jon Gurutz Biteri nagusitu ziren.

Aipatzekoa da, azkenik, pilotarietuek eurek halaxe eskatuta, goizean goiz jokatu dituzten partiduak, Udal Pilotalekuan. Horrela, bigarren mailako finala 08:30ean jokatu dute, eta lehen mailakoa, berriz, 09:30ean. Ez dakigu zapatu goizean horrelako orduetan jende askorik joango ote zaien animuak ematera, baina esan bezala, pilotarietuek eurek eskatuta jarri dituzte finalako partiduak ordu horietan.

Bestalde, sariak partiduak jokatu ostean banatuko dituzte Olalde elkarteak antolatzaileek.



Iker Manso eta Ruben Iturbe.

Oskar Azkarate eta Tomas Jauregi.



Antton eta Jon Gurutz Biteri.

Aitor Azkarate eta Andoni Rodriguez.



INDUSTRI MANTENIMENDUA

Jose
Gomez
Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19



Jose Luis Zabalo

Birgaitzeak • Fatxadak
Teilatuak
Sukalde eta bainu gelak

Kalegoi 9, 1a., ANTZUOLA.
Tf. 943 76 60 89

ANTZUOLA

Apaintetak eta
isolamenduak
Pladurrezko dibisioak


Kalegoi 21 ANTZUOLA
676 997 400
Billegia: 943 78 70 40

AITZ-GARBI



Pintxoak eta
kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA



Zikinkeriak kale bazterrean

Aiherra kaleko etxeen ostean, saihebiderean azpiko aldean, era guztietako zikinkeriak botatzen ditu norbaitek. Olio ondarrak, piper poteak..., denetarik azaltzen da etxe bazterrean botata. Argazkian ikus daitekeenez, etxearen horma eta espaloia- ren zati handi bat zikin-zikin eginda daude, eta nahiko lan izaten dute kale garbitzaileek ingurune hori garbitzen. Horrelako jarrera penagarriak salatu eta berriro gerta ez dadin eskatzeko deitu zuen irakurle batek KONTUOLARA./A.I.

KIROLA

PARTIDUAK

FUTBOLA

Maiatzak 12

12:00: Antzuola-Soraluze (gazteak)

PILOTA

Maiatzak 11 (Pala Txapelk. finalak)

Lehen mailako finala

8:30: Manso-Iturbe / Azkarate-Jauregi

Bigarren mailako finala

9:30: Azkarate-Rodríguez / Biteri-Biteri

EMAITZAK

FUTBOLA

Trintxerpe B 3 Antzuola 2 (2. erreg.)

Antzuola 2 Almen 0 (neskak)

Antzuola 2 Antoniano 3 (kadeteak)

PALA

Lehen mailako finalerdiak

Arbulu-Zabalo 27 Manso-Iturbe 30

Toledo-Peñalba 17 Azkarate-Jauregi 30

Bigarren mailako finalerdiak

Biteri-Biteri 30 Peñalba-Segurola 17

Azkarate-Rodríguez 30 Arregi-Gezalaga 14

Erregional mailako taldeak denboraldia amaitu du

Bigarren erregional mailako futbol taldearendako amaitu da 2001-2002 denboraldia. Ligan ez ziren iaz bezain fin ibili, eta ez ziren igoera fasea jokatzeko sailkatu.

Kopan, berriz, taldeko laugarren postuan sailkatu dira antzuolarrak, 15 punturekin, Urola B talde irabazletik 9 puntura. Kopan jokatu dituzten 11 partiduetatik, lau irabazi, lau galdu eta hiru berdindu dituzte. Hortaz, ez dira Kopa txapelketako finalerako ere sailkatu.

Andoni Azkargorta Bergaran hasiko da entrenatzaile

Bergara B taldea entrenatuko du Andonik datorren denboraldian. Erregionaleko lehen mailan dago talde bergarra, baina bigarren mailara jaisteko arriskuan.

Andonik lau denboraldi eman ditu Antzuolako talde erregionala entrenatzen; aurretik, gazteen eta infantilen entrenatzaile ere izan zen. Oraindik erabakitzeke dago zeinek hartuko duen Andonik lagatako lekua.

LABUR

Udalak EHNA tramitatzea aho batez onartu zuten

Joan den asteko eguenean egin zuten osoko bilkuran, Euskal Herriko Naziotasun Agiriaren gaineko mozio bat aztertu zuten eta aho batez onartu zuten udalbatzarrak.

Antzuolako Bai Euskal Herriari taldeak aurkeztu zuen mozio hori, eta EHNA tramitatzea eskatu zion Antzuolako Udalari. Gauzak horrela, laster hasiko da Antzuolako Udala tramitazio lan horiek egiten. Udaletxean EHNA eskuratzeko eskaera orriak jarriko dituzte.

Udalekuak bost eta hamabost urte bitartekoendako

Uztailaren 1etik 18ra udalekuak antolatu ditu Udalak, 5 eta 12 urte bitartekoendako. Ikastetxean elkartuko dira, goizero, 09:30etik 13:00etara. 72 umek eman dute izena eta bederatzi begirale ibiliko dira.

Aurten, 12 eta 15 urte bitartekoendako ere antolatu dituzte udalekuak, uztailaren 1etik 17ra. Ingelesez izango dira udaleku horiek. Parte hartu nahi dutenek maiatzaren 22a baino lehen eman beharko dute izena udaletxean edo liburutegian.

Herri Urratsera joateko autobusa etzi, domekan

Herritar talde batek autobusa antolatu du etzi, domekan, Herri Urratsera joateko. Badi- ra urte batzuk Antzuolatik autobusik antolatzen ez dutela; aurten, baina, antolaketa lanetan berandu samar ibili diren arren, egongo da Senerpera joateko autobusa. 08:00etan irtengo da plazatik, eta 18:00etan izango da itzulerara. Joan nahi dutenek egubakoitz iluntzea baino lehen eman beharko dute izena Juan Kruz argazki dendan.


ATREBENTZIA EZPADA / Autobus gehixagok falta egitten dau Bergararako?



PATXI GODOY
42 urte



ARANTZA AZURMENDI
40 urte



ANDOITZ PEÑAGARIKANO
17 urte



ANDOITZ ARANBURU
25 urte



MARI LUZ ALTZERREKA
65 urte

Bai, sarrixago egon bihar- ko lirake autobusak, bai- ña ez Bergarara juteko bakarrik. Dana dala, guk be kotxia gutxiagotan har- tu biharko giñuke.

Bai, pentsatzen jat auto- bus gutxi dagola. Kotxe- rik ez daukenak ezin dira irten be egin; gaiñera, udan gehixago egon biharko litzake.

Bai, ondo egongo litzake; jente gehixago juten gara Urretxu aldera pizine- tara, baiña Bergarara autobus gehixago egotiak ez leuke kalterik egingo.

Ba, egixa esan, ez dakit zenbat autobus eta ze ordutan egoten diran be. Izan be, ez dot autobusik erabiltzen, kotxian ibil- tzen naiz.

Bai, Antzuolan ez dago- eta bat be autobusik. Pasa- tzen dana da jente gehi- xenak daukala kotxia eta igual ez da autobus asko- rik be biharko.

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23

LARREA

TABERNA

Kalebarren 17
ANTZUOLA



Juan Cruz
ARGAZKIAK

Herriko plaza 4. Tel. 943 78 70 66. ANTZUOLA